

hanesan ninia PREMIO ne'ebé nia bele hetan husi ema. Laos premio material nian, maibe premio klamar nian. Tamba sasan mundo nian fo ksolok mai ita provisorio deit. No sei mohu deit iha mundo ne'e. nune'e husu mai ita buka mos premio klamar nian sei laiha rohan ka rohan laek.

Husi Evenagelio mos konfirma tan kona ba realida moris klamar nian. oinsa bele tama Reino Lalehan, laos sira ne'ebé bolu Maomak Nai, Na'i mak sei tama reino lalehan maibe dehan katak SIRA NE'EBÉ HALO TUIR MAROMAK NIA HAKARAK. MAROMAK NIA HAKARAK MAK IDA NE'EBÉ? MAROMAK NIA HAKRAK MAK ATU MORIS TUIR NINIA LIAFUAN DOMIN NIAN NO TAU IHA MORIS LOR-LORON NIAN. JESUS KOALIA KLARO KATAK EMA NE'EBÉ MATENEK MAK: ema ne'ebé rona Ha'u nia liafuan hirak ne'e hodi moris tuir, nia hanesan ema matenek ne'ebé harii nia uma iha fatuk leten; ²⁵udan tau, mota tun, anin hu'u hasouru uma ne'e, maibe uma la monu basa hamriik iha fatuk leten. Nune'e doben sira se tebes nudar foin sa'e nasaun no kreda nian se ita moris ho equilirio ba ita nia hakarak material no klamar nian imi sei hetan duni premio bo'ot husi Maromak, premio ne'e grasa ne'ebé imi simu no halo imi nia moris sai joven ida ne'ebé iha komitmentu duni.

Final:

Orasaun:

Proposito ruma mos bele depende ba animadores.



Katekese

ba oratorio

iha fulan AGOSTU

2014

FOINSAE SIRA

Topiko ba fulan rua ne'e nian sei develope kona ba **PREMIO**

IDEIA: Iha fulan rua ne'e nian laran sei koalia kona ba PREMIO. PREMIO tuir DB nia mehi mak hanesan iha ne'ebé nia deskreve katak PREMIO mak resultado husi sacrificio ida nian. Nune'e DB dehan "imi gosta premio sira karik, keta tauk hasoru difikuldade". Iha fulan rua ne'e nia laran sei fahe ita nia reflesaun kona ba PREMIO nian, liu husi SUB TOPIKO OI-OIN. Atu ita bele hatene no deskobre liu tan kona ba PREMIO nia aspeito sira. Hanesan tuir DB nia mehi kona ba DIAMANTE sanulu nian, oinsa guia no tulun ita nia oratorianu sira atu hatene agradese ba buat hotu ne'ebé sira simu no iha. Nune'e mai ita haklean hamutuk topiku ida ne'e iha ita nia formasaun Espiritual nian tuir ita Aman DB nia mehi ba ita nia oratoriano sira, ho sub topiko ruma ne'ebé sei develope tuir mai ne'e:

SEMANA DAHULUK

LUTA BA REINO KSOLOK LOS NIAN

Objective:

Atu foinsa'e sira bele hatene kona ba oinsa luta ba reino ksolok los nian .

Atu foinsa'e sira bele consciente kona ba luta ba reino ksolok los nian.

Atu foinsa'e sira bele pratika kona ba luta ba reino ksolok los nian.

Prosesu

Orasaun:

Fahe foinsa'e sira ba grupo-grupo, tuir mai fo ba sira pazella ne'ebé animador/a pepara ona, iha laran hakerek topiko semana ne'e nian "LUTA BA REINO KSOLOK LOS NIAN".

Wainhira sira hotu ona husu ba sira atu hato'o sira nia hanoin ka

tau, mota tun, anin hu'u hasouru uma ne'e, maibe uma la monu basa hamriik iha fatuk leten. ²⁶Maibe, ema ne'ebé rona Ha'u nia liafuan hirak ne'e, no la halo tuir nia, nia hanesan ema beikten ne'ebé harii nia uma iha rai henek leten. ²⁷Udan tau, mota tun, anin hu'u hasouru hodi sobu uma ne'e; uma ne'e monu. Nia rahun aat liu."

²⁸Wainhira Jesus koalia hotu tiha, ema lubun hakfodak ho nia doutrina, ²⁹basa Nia hanorin sira hanesan ema ne'ebé iha kbiit, la'os hanesan eskriba no fariseu sira.

PERGUNTAS HODI HAKLEAN PASSAGEN BIBLIA NIAN:

- Iha evangeliu ne'e Jesus dehan saida ba Ninia Eskolante sira?**
R. (La'os ema hotu ne'ebé dehan mai Ha'u: 'Na'i, Na'i!' sei tama iha reinu lalehan, maibe nia deit ne'ebé halo tuir Ha'u Aman iha lalehan nia hakarak.)
- Jesus dehan tan saida kona ba liafuan ne'ebé Nia dehan tiha ona iha leten?**
R. Ne'e duni, ema ne'ebé rona Ha'u nia liafuan hirak ne'e hodi moris tuir, nia hanesan ema matenek ne'ebé harii nia uma iha fatuk leten; ²⁵udan tau, mota tun, anin hu'u hasouru uma ne'e, maibe uma la monu basa hamriik iha fatuk leten.
-

SUMARIO

Husi istoria ne'ebé ohin ita rona kona ba joven ida naran Marselso. Kona ba nia principio importante ne'ebé nia inan sempre fo hanoin ba nia, katak tau Maromak Primeiro liu buat hotu, tuir mak ema seluk no ikus mak nia-an rasik. Ne'e hakarak atu dehan katak se ninia moris sei sai diak, ksolok no laiha perigu ba nia, nia tenke hatene kuda hahalok diak no hatudu iha nia moris. Ida ne'e deit sei lori grasa wain barak ba nia

inan ida ne'ebé diak liu inan hot-hotu iha mundo ne'e. nia mak inan katolika ida ne'ebé iha fiar makaa-as nune'e mos hau nia aman. Ho ninia sakrifisio nia haruka hau estuda iha Universidade maske nia feto faluk. Nia haruka mai hau liafuan ne'e atu tau besik ba iha hau nia quarto no loron-loron hau bele hare bei-beik no hanoin tuir. Liafuan ne'e hau nia mama esplika nune'e: HAU NIA OAN DOBEN HANOIN TUIR BA LIAFUAN NE'EBÉ HAU HAKEREK BA O KONA BA **I AM THIRD, KATAK BA IHA NE'EBÉ DEIT, TAU MAROMAK MAK PRIMEIRO, SEGUNDO EMA SELUK NO IKUS MAK Ó.**

Analiza ISTORIA liu husi perguntas!

1. Istoria ne'ebé ohin imi rona ne'e koalia kona ba se nia moris
2. Deskreve to'ok joven ne'ebé ohin imi rona iha istoria ne'e ninia komportamento?
3. Dehan to'ok liafuan ne'ebé joven ne'e nia inan hakerek ba nia!
4. Nia inan esplika saida kona ba liafuan ne'ebé nia hakerek ba nia oan?
5. Fahe to'ok imi nia esperiensa ruma kona ba imi no imi nia familia.
6.

HAFORSA ISTORIA HO LEITURA HUSI BIBLIA: Mt 7: 21-29

Eskolante diak los

²¹“La'os ema hotu ne'ebé dehan mai Ha'u: ‘Na'i, Na'il' sei tama iha reinu lalehan, maibe nia deit ne'ebé halo tuir Ha'u Aman iha lalehan nia hakarak. ²²Ema barak sei dehan mai Ha'u iha loron neba: ‘Na'i, Na'i, la'os hodi Ita Boot nia naran mak ami si'ik nudar profeta, no hodi Ita naran mak duni sai tiha diabu sira, no mos halo milagre barak?’ ²³Iha oras neba Ha'u sei hatan mo-mos ba sira: ‘Ha'u la hatene imi; hadook an tiha housi Ha'u, imi sira ne'ebé halo aat.’”

²⁴“Ne'e duni, ema ne'ebé rona Ha'u nia liafuan hirak ne'e hodi moris tuir, nia hanesan ema matenek ne'ebé harii nia uma iha fatuk leten; ²⁵udan

komentario kona topiko ne'ebé sira hetan iha pazella; ikus sira ba pleno iha oin.

Animador/a haklean sira nia pleno hafoin bele fo tan ejemplu ruma husi istoria kona ba Domingos Savio nian iha oratorio Turim:

Oratorio Turim nian, bele hanaran Reino Ksolok nian, tanba Don Bosco hatene dada foinsa'e sira ba dalan los ho ksolok atu bele hatene pratika segredo moris iha ksolok. Tebe bola, halai taru, musika, teatro, pasiar, buat hirak ne'e hotu nia usa hodi hanorin foinsa'e sira keta bilan, bo'ok-an nafatin hodi halo buat ruma. “Kuidado ho barukten sira! Santo ne'ebé triste nia laos santo ida.” Wainhira Don Bosco hare klosan ida laran susar eh triste, nia siik lolos deit: “Nia moras iha isin ka iha klamar! Tan ne'e liafuan ne'ebé nia hato'o beibeik ba nia aluno sira, hamutuk ka ida-dak, mak ne'e: “Haksolok ba!” Don Bosco nia inan, Mama Margarida, ne'ebé labarik hotu respeita liu tanba nia domin no sakrifisiu ba sira, loron ida hamrik hamutuk ho Don Bosco hodi fihir dadaun labarik sira ne'ebé halimar iha rekreio. Wainhira nia hateke dadaun nia dehan neineik ba nia oan: “O iha duni labarik barak iha ne'e, maibe la iha ida ne'ebé diak liu Domingos Savio.” Don Bosco hatan ba nia inan: “Ne'e los duni, mama: Domingos Savio halo ho nia hahalok diak liu fali pregador ida ho nia sermaun.” No Don Bosco sai sasin duni ba buat diak hirak ne'e.

Analiza aktividade liu husi perguntas

1. Imi hanoin saida kona imi nia futuru aban bain rua nian?
2. Imi planu saida ba imi nia futuru aban bain rua nian?
3. Atu imi nia moris hetan ksolok ne'ebé los imi tenke halo saida?
(Animador/a haklean tiha sira nia resposta, baseia ba buat ne'ebé foinsa'e sira fahe).

HAFORSA AKTIVIDADE HO LEITURA HUSI BIBLIA: Mt 19: 16-29
(HILI ORATORIANO 1 ATU LE'E KA KONFORME INISIATIVA
HUSI AKOMPAGNADOR/A).

Mane klosan riku

¹⁶La kleur mane ida hakbesik ba Nia dehan: “Mestre, ha’u sei halo buat diak sa atu hetan moris rohan laek?” ¹⁷Jesus husu ba nia: “Tansa o husu Ha’u kona ba buat ne’ebé diak? Ida deit mak diak. Maibe, o hakarak tama ba moris karik, halo tuir ukunfuan sira ba.” ¹⁸Nia husu fali: “Ukunfuan ne’ebé?” Jesus hatan: “Keta oho, keta sala ho ema nia kaben, keta na’ok, keta foti lia falsu; ¹⁹hamtauk o nia aman ho inan, hadomi o nia maluk hanesan o an rasik.” ²⁰Klosan ne’e dehan ba Nia: “Ha’u halo tuir ona buat ne’e hotu: ha’u sei halo tan sa ida?” ²¹Jesus dehan ba nia: “O hakarak sai ema diak lo-los karik, ba fa’an tiha o nia sasan hotu hodi fahe ba ema kiak sira, nune’e o sei hetan rikuso iha lalehan; hafoin mai tuir Ha’u.”

²²Rona tiha lia hirak ne’e, mane klosan fila ho neon nakraik, basa nia iha rikuso barak. ²³Tan ne’e Jesus dehan ba nia eskolante sira: “Tebes, Ha’u dehan ba imi: ema riku ida atu tama iha reinu lalehan susar. ²⁴Tebes, Ha’u dehan ba imi: lalais liu ba kuda kamelu ida tama iha daum nia kuak liu fali ema riku ida tama iha reinu lalehan.” ²⁵Wainhira eskolante sira rona lia ne’e, sira hakfodak hodi dehan: “Nune’e se los mak bele soi an?” ²⁶Jesus fihir sira hodi dehan: “Ba ema sira, ne’e la bele; maibe ba Maromak buat hotu bele deit.”

²⁷Tuir mai Pedro hasa’e lia dehan: “Be ami ne’ebé husik tiha buat hotu hodi tuir Ita Boot: ba ami ne’e sa ida?” ²⁸Jesus dehan ba sira: “Tebes, Ha’u dehan ba imi: imi sira ne’ebé tuir Ha’u, iha mundu foun, wainhira Oan Mane tur iha nia kadunan gloria nian, imi sei tur mos iha kadunan sanulu resin rua hodi tesi lia ba suku sanulu resin rua Israel nian. ²⁹Ema hotu ne’ebé husik uma, maun alin, feton, aman, inan, oan sira ka rai, tan Ha’u nia naran, sei simu dala atus ida liu tan hodi simu mos nudar liman rohan moris rohan laek. ³⁰Barak ne’ebé uluk, sei ikus fali; no sira ne’ebé ikus, sei uluk fali.”

Prosesu

Orasaun:....

ISTORIA:

Iha foinsa’e ida naran Marselso, nia oan mane mesak husi senhora Maria, nia aman mate tiha ona, nia hela mesak ho nia inan. Inan esforsuan tebes ba nia oan atu nia bele estuda no bele hetan future diak ba sira nain rua. Nune’e wainhira nia hahu atu estuda iha universidade susar tebes ba nia no ba ninia inan. Maibe inan hakaa-an nafatin atu hetan osan ba ninia oan. Ho ninia inan nia sakrifício bo’ot ne’e, nia konsege hetan faculdade ida ne’ebé diak, maibe do’ok husi nia cidade, nia tenke ba hela iha cidaade seluk, do’ok husi nia mama. Nia frekuenta iha faculdade ida ne’ebé diak no stavel atu bele esduda. Iha faculdade ne’e nia aprende buat barak kona ba intelektual nian. Iha faculdade ne’e mos nia kargu nudar Ketua Senat, nia belun sira respeita liu no apresia tebe-tebes ba ninia posisaun. Loron ida nia halo tinan nune’e nia simu kaisa ida ne’ebé nia inan haruka ba nia. Depois ke nia simu tiha kaisa husi nia inan nia kontente tebe-tebes. Wainhira to’o iha nia kos nia loke lalais no nia hare saida mak iha laran. Depois ke nia loke nia la hetan buat ida ne’ebé bo’ot no furak maibe nia hare quadro boot ida ne’ebé hakerek iha laran ho liafuan **“I AM THIRD” KATAK HAU TERCEIRO.** Nia kontente tebe-tebes ho liafuan ida ne’e. Maske liafuan deit maibe nia fo valor bo’ot ba liafuan ne’ebé ninia mama haruka ba nia. Tuir mai nia foti lalais liafuan ne’e no TAKA IHA DIDILOLON NE’EBÉ BESIK IHA NIA ULUN. Loron tuir mai nia konvida ninia kolega sira ne’ebé besik liu ba nia no sira ba hamutuk iha ninia kos atu celebra ninia tinan. Wainhira sira to’o iha kos ne’e laiha buat ida ne’ebé especial atu sira bele han hamutuk maibe iha deit kripi balun no be. Sementara sira merenda daudaun, nia kolega ida hateke ba didilolon no le’e liafuan ne’ebé Marselso taka iha ninia fatin. Nune’e nia kolega ne’e husu liafuan ne’e ninia signifika saida? Marselso lahatan kedas maibe nia nonok deit. Tamba ninia belun sira insisti bei-beik entaun Marselso hahu dehan ba sira nune’e: Hau hetan

Analiza ISTORIA liu husi perguntas!

1. Husi istoria ne'ebé foin imi rona liu ba ne'e, koalia kona ba se nia moris?
2. Husi istoria ne'e fo hanoin saida ba imi?
3. Iha ema ruma husi imi ne'e, esperiensi ona kona ba tentasaun? No halo saida wainhira iha tentasaun nia oin!
4. ... animador/a aumenta perguntas conforme.

HAFORSA ISTORIA HO LEITURA HUSI BIBLIA: Mt 4:1-11, Roma 7: 14-25, Roma 8:1-13.

Kona ba perguntas conforme tuir animador tamba foti leitura ida ne'ebé nune'e mos kona ba sumario, se bele animador/a halo sumario tuir leitura ne'ebé mak hili.

Final:

Orasaun:

Proposito ruma mos bele depende ba animadores.

**SEMANA DAHA'AT
TAU MAROMAK SAI PRIORIDADE BA EMA NIA
MORIS**

Objektivu:

Atu foinsa'e sira bele hatene SE mak prioridade ba ema nia moris.

Atu foinsa'e sira hadomi ida be importante liu ihia sira nia moris.

Atu foinsa'e bele moris tuir moral sanari be Kreda hanorin

PERGUNTAS HODI HAKLEAN PASSAGEN BIBLIA NIAN:

1. Evanjelliu ne'ebé foin imi rona joven mane ida ne'e husu saida ba Jesus? R. (mestre hau sei halo buat diak sa atu hetan moris rohan laek)?
2. Jesus hatan saida ba joven mane ne'e? R. (Tan sa Ó husu Hau kona ba buat ne'ebé diak? Ida deit mak diak. Maibe...)
3. Kolsan ne'e dehan saida hodi hatan ba Jesus? R. (klosan ne'e dehan ba Nia: "hau halo tuir ona buat ne'e hotu, hau sei halo tan saida? Jesus hatan dehan ba nia: Ó hakarak.....)
4. ... (animador/a) aumenta perguntas tuir Evangeliu ne'ebé iha.

SUMARIO

Belun doben foinsa'e sira, ohin loron mundo moderno oferese buat barak maibe hotu-hotu karik sei la fo ksolok los ba ita nia moris, ejemplo ne'ebé ita rona husi evangeliu kona ba joven mane ida ne'ebé hatan ba Jesus katak nia husi ki'ik to'o bo'ot nia hatene didiak hotu ona kona ba ukun fuan sira. Maibe realidade nia sei falta hela ba buat ruma. Nune'e bele dehan katak buat ne'ebé nia hatene seidaok fo ksolok lolos ba nia nune'e nia nafatin buka atu hetan ksolok ne'ebé los. Agora ba imi husi ejemplo baluk joven ne'e nian hanorin buat ruma ba imi ka lae! Imi mos parese hatene buat barak ona husi media teknologia nian nsst, maibe karik dala ruma imi nia moris sei atrapalha ba buat ruma karik? Nune'e liu husi ita nia formasaun ne'ebé ohin imi rasik fahe no rona husi evangeliu, koko atu ida-idak TAU ba imi nia moris, liu-liu buat ne'ebé imi hakarak atu lori imi ba ksolok ne'ebé los. Nune'e pronto atu husik buat ne'ebé a'at ka ladiak ba imi nia moris. No wainhira imi rasik hetan duni moris ne'ebé diak ona, husu ba imi atu hasa'e imi nia agradese ba Maromak ba susessu ne'ebé diak no fo vantagen ne'ebé diak ba imi nia moris iha familia,

sosiedade no iha kreda. Ikus bele dehan katak premio los nian mak imi nia haka'as-an ne'ebé brani hodi luta ba buat diak no husik buat be a'at ka buat ne'ebé la favorese ksolok los nian ba imi.

Final:

Orasaun

Proposito ruma mos bele depende ba animadores.

SEMANA DARUAK ESPERANÇA BA FUTURO

Objectivu:

Atu foinsa'e sira bele hatene kona ba esperança ba futuro

Atu foinsa'e sira bele consciente diak liu tan kona ba futuro

Atu foinsa'e sira bele pratika kona ba esperança ba futuro

Prosessu

Orasaun:....

Ilustrasaun: hananu muzika ne'ebé tuir mai n'e:

JOVEN SIRA FORTE

NAI NIA LIA FUAN IHA IMI NIA LE'ET

HO DOMIN NE'E BELE MUDA MUNDO

FUTURO MAK IMI NIAN

TAN IMI MAK ESPERANÇA

Iha joven ida nebe buka hatene

Husu los ba mestre diak

Hau tenke halo oinsa ?

Atu hau nia moris bele iha folin

buka mos namanas atu soi ami nia maluk sira nia klamar. Nune'e ami mos sei sai Jesus no Maria nia belun iha rai ne'e, hodi haksolok hamutuk ho ita iha lalehan. Amen

Ilustrasaun: ISTORIA KONA BA SÃO DOMINGOS SAVIO
NE'EBÉ HETAN PERIGU OIN- OIN.

HADO'OK-AN HOSI BUAT AAT

Ba eskola fila hosi eskola, Domingos Savio hetan perigo oin-oin, liu-liu tanba ninia kolega nakar sira buka atu dada nia ba aat. Tanba nia Anjo tau matan nafatin ba nia, no mos nia obedece nia inan, mak nia hetan kbiit atu hadook an hosi perigo hirak ne'e.

Loron ida, nia maluk sira hakarak obriga nia atu nani iha be klean ho sira.

- “La'e, hau la ba, tan hau la hatene nani, no mos hau tauk atu mate iha be laran”. “Mai lai. Se mak haris la sente manas, iha gostu no hetan isin diak... Ami sei hanorin o atu nani hanesan ikan, nune'e ita bele halimar ho ksolok”.
- “Maibe ita la sala ba fatin hirak nebe iha perigo barak?”
- “Mai lai! O lalika tauk, ami mak sei hatan”.
- “Molok hau ba, hau sei husu lisensa ba hau nia inan; nia fo karik hau ba, lae karik hau sei la ba.”
- “O la bele husu ba o nia inan, beik-ten. Nia sei la husik o no mos nia bele fo hatene ba ami nia inan aman sira nebe bele baku ami.”
- “Hau nia inan la husik hau ba ne'e katak laos buat diak ida. Tan ne'e hau la ba duni. Hau dehan lolos ba imi katak, imi lalika koalia tan buat ne'e mai hau; tan buat hotu nebe ita nia inan aman sira la gosta, ita la bele halo, basa Nai Maromak sei haraik kastigu ba oan sira nebe la tuir inan aman sira.” Domingos labarik ida nebe iha kbiit hanesan ema boot ida.

futuru. Buat sira ne'e hotu sai nudar PREMIO ba ita, ba imi nia familia, ba Nasaun, kreda no ba sosiedade. Maibe precisa mos ita nia sacrificio loro-loron nian atu mana ita nia hakarak falsu sira nune'e ita bele hetan ksolok ne'ebé los. Hanesan DOM BOSCO dehan "imi gosta premio sira karik, keta tauk hasoru difikuldade". Ikus keta haluha Maromak se wainhira ita hetan susessu diak husu mai ita atu hahi no agradese nafatin ba ita Aman Maromak ba buat diak hotu ne'ebé ita hetan.

Final:**Orasaun:**

Proposito ruma mos bele depende ba animadores.

**SEMANA DATOLUK
BRANI MANAN TENTASAUN**

Objectivu

Atu foinsa'e sira bele hatene oinsa manan tentasaun.

Atu foinsa'e sira bele buka dalan manan tentasaun.

Atu foinsa'e sira brani luta hasoru tentasaun

Prosessu**Orasaun:....ORASAUN BA SÃO DOMINGOS SAVIO**

São Domingos Savio, ne'ebé iha São João Bosco nia eskola, la'o lalais tuir dalan santidade nian. Ita mak dehan hodi halo tuir lia ne'e: "MATE DIAK LIU FALI HALO SALA". Tau matan ba ita nia maluk foisa'e sira, ne'ebé hetan susar oi-oin, hodi tuir ita nia dalan. Tulun ami banati tuir ita nia domin ba Jesus no ba Nain Feto Virgem Maria, hodi

Nai hatan los ba nia,

Entrega o nia liberdade.

Nai hatan nafatin ohin loron

Ba jovens sira nebe husu,ami tenke halo oinsa?

Atu ami nia moris bele iha folin

Fiar maka'as atu mana a'at be iha mundo ne'e.

Hadomi malu ho laran tomak

Ne'e mak hau ukun fuan

Fiar Hau Nia naran imi sei hetan ksolok

Ksolok be los sei hamutuk ho Hau

Imi sai roman no masin ba mundo ne'e.

Animadores : fahe sira ba grupu-grupu atu sira halo diskusaun kona ba muzika ne'ebé kanta liu tiha ona. Animador/a fo perguntas sira tuir mai ne'e atu sira diskui iha grupu:

1. Husi muzika ne'e fraze ida ne'ebé mak atrae liu imi?
2. Indika fraze sira hotu ne'ebé imi hili .
3. Tuir mai halo komentario ba fraze ida-idak ne'ebé imi hili ona.
4. Tamba sa imi hili fraze sira ne'e no fo rajaun!

Fo tempo ba sira atu kada grupu bele ba pleno sira nia rejultado.

Hotu tiha Animador/a fo komentario ruma kona ba sira nia pleno ne'ebé sira fahe tiha ona.

HAFORSA AKTIVIDADE HO LEITURA HUSI BIBLIA: Mc 10:17-31.

Foinsa'e ida ne'ebé riku

¹⁷Wainhira Nia atu la'o ona, ema ida halai hasouru Nia, tuku tur ba rai hodi husu Nia, "Mestre diak, Ha'u sei halo sa atu bele hetan moris rohan laek?" ¹⁸Jesus hatan ba nia, "Tan sa o dehan Ha'u diak? La iha ema diak; Maromak mesak mak diak. ¹⁹O hatene ukunfuan sira: keta oho, keta halo adulteriu, keta na'ok, keta foti lia bosok hasouru ema, keta lohi ema,

hamtauk o nia aman no inan.” ²⁰Nia hatan hodi dehan ba Nia, “Mestre, Ha’u moris tuir sira ne’e hotu houri kiik kedas.” ²¹Jesus fihir nia di-diak, hadomi nia hodi dehan ba nia, “Buat ida deit mak o sei kuran: ba, fa’an o nia sasan tomak, fahe ba ema kiak sira no o sei hetan rikusoi iha lalehan; hafoin, mai tuir Ha’u.” ²²Nia neon sala tebes tan liafuan hirak ne’e; nia ba ho neon nakraik, basa nia iha rikusoi barak.

²³Jesus, hateke hale’u, dehan ba Nia eskolante sira, “Susar tebes duni ba ema riku sira atu tama iha Maromak nia reinu.” ²⁴Eskolante sira hakfodak ho liafuan sira ne’e. Maibe Jesus dehan fali ba sira, “Oan doben sira, susar oin sa atu tama iha Maromak nia reinu. ²⁵Kuda kamelu ida atu tama iha daum nia kuak lalais liu fali ema riku ida atu tama iha Maromak nia reinu.” ²⁶Sira hakfodak liu tan hodi hateten ba malu, “Nune’e karik, ema se mak bele hetan maksoin?” ²⁷Jesus hateke ba sira hodi dehan: “Ba ema la bele, maibe ba Maromak lae, basa ba Maromak buat hotu bele deit.” ²⁸Pedro simu dehan ba Nia, “Ami husik buat hotu hodi tuir Ita.” ²⁹Jesus hatan, “Tebes Ha’u dehan ba imi; la iha ema ne’ebé husik uma, maun alin, bin feton, inan, aman, oan sira ka to’os tamba Ha’u no tamba liafuan diak, ³⁰ne’ebé sei la simu iha tempo ne’e uma, maun alin, bin feton, inan, oan no to’os sira dala atus ida liu fali uluk nian hamutuk ho susar oi-oin, no iha tempu ne’ebé atu mai, moris rohan laek. ³¹Maibe, ema barak ne’ebé uluk sei sai ikus, sira ne’ebé ikus sei sai uluk.”

PERGUNTAS HODI HAKLEAN PASSAGEN BIBLIA NIAN:

1. Evangeliu ne’ebé foin imi rona joven mane ida husu saida ba Jesus? R. (mestre hau sei halo buat diak sa atu hetan moris rohan laek)?
2. Jesus husu saida ba joven mane ne’e? R. (Tan sa Ó husu Hau kona ba buat ne’ebé diak? Ida deit mak diak. Maibe.....)
3. Klosan ne’e dehan saida ba Jesus? R. (klosan ne’e dehan ba Nia: “hau halo tuir ona buat ne’e hotu, hau sei halo tan saida? Jesus hatan dehan ba nia: Ó hakarak...

4. Saida mak imi sei husu ba Jesus kona ba imi nia futuru aban-bainrua nia? No saida mak imi sei hatan ba Jesus se Nia husu buat ruma ne’ebé imi susar atu hatan ba Nia?

SUMARIO

Hanesan ita hotu hatene katak futuru iha joven nia liman, joven mak TULANG PUNGUNG ba Nasaun, kreda no sosiedade nian. Amo Papa Fransisco mos dehan joven mak protagonista ba futuru. No mos musika ne’ebé ita hananu liu ba dehan JOVEN SIRA FORTE NAI NIA LIA FUAN IHA IMI NIA LE’ET HO DOMIN NE’E, BELE MUDA MUNDO FUTURO MAK IMI NIAN TAN IMI MAK ESPERANÇA. Nune’e liu husi lia fuan sira ne’e, tebes sadik ita ka imi atu sai joven ne’ebé koalidade katak aproveita tempo los atu foti no aprende buat ne’ebé diak nudar imi nia preparasaun ba futuru. Maibe se imi la aproveita tempo ne’ebé Maromak fo ba imi liu husi imi nia familia nia domin no sacrificio atu eduka imi, nune’e imi koko atu usa didiak domin ne’e. Se lae imi sei la hetan futuru ne’ebé diak no sei la hetan ksolok ne’ebé los. **Iha evangeliu ne’ebé ita foin rona mos oin sa Jesus desafia foinsa’e ne’ebé husu Nia “Mestre diak, Ha’u sei halo sa atu bele hetan moris rohan laek?” Jesus fihir nia di-diak, hadomi nia hodi dehan ba nia: ba fa’an o nia sasan tomak, fahe ba ema kiak sira no o sei hetan rikusoi iha lalehan.** Joven ne’e fila ho triste; maibe nia tenke halo tuir duni, se nia hakarak atu tama ba Reinu Lalehan. Mensagen ne’e konvida mos ita, imi pronto atu husik sasan mundu nian ne’ebé la tulun imi atu to’o ba imi nia futuru ne’ebé los. Maske mundo moderno oferece buat barak, balun fo vantagen diak ba ita, balun la fo vantagen diak. Nune’e husu ba imi atu kuidadu didiak no lao tuir tempo sira ho diak. Buat sira ne’e hotu ita bele dehan katak se imi disiplina an didiak valoriza tempo ne’ebé Maromak fo ba imi ho diak imi sei hetan susessu ba imi nia